




點註唐宋八家文讀本

川上廣樹纂評

二十九、三十

十六終

柳田文庫
文庫11
D 229
16



文庫 11
D 229
16

總目

此文歸同人カ申サレ、通リ、
荆公カ主意、法度ヲ改革
セントスルニ在リ、却テ人オ
足テ、朝廷任使、意
論ヲ立テ、此ノ長ヲ論シ、
或セリ、武曹云、天下ノ治
ヲサシメ、法度ヲ知シ、
第一層ニ、法度ヲ先王ノ政
合サレ、是第二層ニ、先王ノ
法トシ、當ニ其意ニ準シ、
ハ是第三層ニ、先王ノ意
ニ準シ、能ハルハ人オ、
オノ足リ、是第一層ニ、
非ヤル、是第二層ニ、
ハ必ズ、人オ、
通篇ノ措置、規模、
下ノ所、又、政ニ、
文取リ、又、任スル、
去人、能ク、然ル、
今世、然ル、
作用、
此ノ、
ガ、
オ、

點註 唐宋八家文讀本卷二十九

日夫王安石介甫著 清 沈德潛確士評點

日有上仁宗皇帝言事書 川上廣樹纂評

臣愚不肖蒙恩備使一路今又蒙恩名還闕廷有所

任屬而當以使事歸報陛下不自知其所以稱職而

敢緣使事之所及冒言天下之事伏惟陛下詳思而

擇其中幸甚臣竊觀陛下有恭儉之德有聰明睿智

之才夙興夜寐無一日之懈聲色狗馬觀游玩好之

事無纖芥之蔽而仁民愛物之意孚於天下而又公

選天下之所願以為輔相者屬之以事而不貳於讒

唐宋八家文讀本 卷二十九

柳田泉文子

010190557230

山陽云眼光已注財力上矣

又云法度不合先王之政是公本意却收入於人才不足頂中去

邪傾巧之臣此雖二帝三王之用心不過如此而已
宜其家給人足天下大治而效不至於此顧內則不能無以社稷為憂外則不能無懼於夷狄天下之財力日以困窮而風俗日以衰壞四方有志之士認認然常恐天下之久不安此其故何也患在不知法度故也今朝廷法嚴令具無所不有而臣以謂無法度者何哉方今之法度多不合乎先王之政故也孟子曰有仁心仁聞而澤不加於百姓者為政不法於先王之道故也以孟子之說觀方今之失正在於此而已夫以今之世去先王之世遠所遭之變所遇之勢不一而欲一修先王之政雖甚愚者猶知其難也

又云此荆公病根至死不除得者

確士云已上言法度不可知而所以知法度者在乎法先王之意

然臣以謂今之失患在不法先王之政者以謂當法其意而已夫二帝三王相去蓋十有餘載一治一亂其盛衰之時具矣其所遭之變所遇之勢亦各不同其施設之方亦皆殊而其為天下國家之意本末先後未嘗不同也臣故曰當法其意而已法其意則吾所改易更革不至乎傾駭天下之耳目聳天下之口而固已合乎先王之政矣雖然以方今之勢揆之陛下雖欲改易更革天下之事合於先王之意其勢必不能也陛下有恭儉之德有聰明睿智之才有仁民愛物之意誠加之意則何為而不成何欲而不得然而臣顧以謂陛下雖欲改易更革天下之事合於先

卷二十九

鹿門云、人才不足四
宗荆公萬言書中領
案、
確士云、從法度引出
人才、以下專就人才
言、

山陽云、負才入陶冶
成之、陶冶成之、籠罩
通篇、

王之意其勢必不能者何也。以方今天下之人才不足故也。臣嘗試竊觀天下在位之人，未有乏於此時者也。夫人才乏於上，則有沈廢伏匿在下而不為當時所知者矣。臣又求之於閭巷草野之間，而亦未見其多焉。豈非陶冶而成之者，非其道而然乎？臣以謂方今在位之人才不足者，以臣使事之所及，則可知矣。今以一路數千里之間，能推行朝廷之法，令知其所緩急，而一切能使民以修其職事者，甚少而不才苟簡貪鄙之人，至不可勝數。其能講先王之意，以合當時之變者，蓋闔郡之間，往往而絕也。朝廷每一令下，其意雖善，在位者猶不能推行，使膏澤加於民而

又云、引孟子喚出法
字與人才聯合極好
鹿門云、一鎖
山陽云、再洗發法字
以陶冶結之、以下宜

吏輒緣之為奸，以擾百姓。臣故曰：在位之人才不足，而草野閭巷之間，亦未見其多也。夫人才不足，則陛下雖欲改易更革天下之事，以合先王之意，大臣雖有能當陛下之意，而欲領此者，九州之大，四海之遠，孰能稱陛下之指，以一一推行此而人人蒙其施者乎？臣故曰：其勢必未能也。孟子曰：徒法不能以自行，非此之謂乎？然則方今之急，在於人才而已。誠能使天下之才衆多，然後在位之才可以擇其人，而取足焉。在位者得其才矣，然後稍視時勢之可否，而因人情之患苦，變更天下之弊法，以趨先王之意，甚易也。今之天下，亦先王之天下，先王之時，人才嘗衆矣，何

點注唐外八家文讀本

卷二十九

三

入陶治之目却按商周為虛引其實此處陶治一結不必下而可者特再提以肅文氣使讀者着眼耳此法自荀卿來

至於今而獨不足乎故曰陶治而成之者非其道故也商之時天下嘗大亂矣在位貪毒禍敗皆非其人及文王之起而天下之才嘗少矣當是時文王能陶治天下之士而使之皆有士君子之才然後隨其才之所有而官使之詩曰豈弟君子遐不作人此之謂也及其成也微賤免置之人猶莫不好德免置之詩是也又况於在位之人乎夫文王惟能如此故以征則服以守則治詩曰奉璋峨峨髦士攸宜又曰周王于邁六師及之言文王所用文武各得其才而無廢事也及至夷厲之亂天下之才又嘗少矣至宣王之起所與圖天下之事者仲山甫而已故詩人歎之曰

鹿門云荆公伏自家案

確士云已上言欲舉行法度不可不陶治又才之中之言確士云四節是一篇本末

德輔如毛維仲山甫舉之愛莫助之蓋閔人士之少而山甫之無助也宣王能用仲山甫推其類以新美天下之士而後人才復眾於是內修政事外討不庭而復有文武之境士故詩人美之曰薄言采芑于彼新田于此留畝言宣王能新美天下之士使之有可用之才如農夫新美其田而使之有可采之芑也由此觀之人才未嘗不自人主陶治而成之者也所謂陶治而成之者何也亦教之養之取之任之有其道而已所謂教之道何也古者天子諸侯自國至於鄉黨皆有學博置教導之官而嚴其選朝廷禮樂刑政之事皆在於學士所觀而習者皆先王之法言

點注書家八家文讀本

卷二十九

四

是代家文字

山陽云自來言天下之事者皆先言當今之弊而說救之之術引先王之法以實之是常套也荆公却先引商周證當今人才可陶冶而成次即舉三代成才之法立四目然後說當今之不然四正反使讀

局愈整齊讀者識得此法方可作長文大篇
德行治天下之意其材亦可以為天下國家之用苟不可以為天下國家之用則不教也苟可以為天下國家之用者則無不在於學此教之道也所謂養之道何也饒之以財約之以禮裁之以法也何謂饒之以財人之情不足於財則貪鄙苟得無所不至先王知其如此故其制祿自庶人之在官者其祿已足以代其畊矣由此等而上之每有加焉使其足以養廉恥而離於貪鄙之行猶以為未也又推其祿以及其子孫謂之世祿使其生也既於父子兄弟妻子之養婚姻朋友之接皆無憾矣其死也又於子孫無不足之憂焉何謂約之以禮人情足於財而無禮以

者對照頌解如木之有根水之有源人見其雅正吾知其新變也

節之則又放僻邪侈無所不至先王知其如此故為之制度婚喪祭養燕享之事服食器用之物皆以命數為之節而齊之以律度量衡之法其命可以為之而財不足以具則弗具也其財可以具而命不得為之者不使有銖兩分寸之加焉何謂裁之以法先王於天下之士教之以道藝矣不帥教則待之以屏棄遠方終身不齒之法約之以禮矣不循禮則待之以流殺之法王制曰變衣服者其君流酒誥曰厥或誥曰羣飲汝勿佚盡執拘以歸於周予其殺夫羣飲變衣服小罪也流殺大刑也如小罪以大刑先王所以忍而不疑者以為不如是不足以一天下之俗而成

鹿門云荆公羈畧

長二十九

五

山陽云養之中又今三日而本旨所重在裁之以法上讀者要着眼窺破擢筋捉脈不墜其雲霧中又云此至誠懇惻之心即他日執拗不回者也

確士云已上申言養之道
鹿門云先王之取士本如此

吾治夫約之以禮裁之以法天下所以服從無抵冒者又非獨其禁嚴而治察之所能致也蓋亦以吾至誠懇惻之心力行而為之倡凡在左右通貴之人皆順上之欲而服行之有一不帥者法之加必自此始夫上以至誠行之而貴者知避上之所惡矣則天下之不罰而止者眾矣故曰此養之道也所謂取之道者何也先王之取人也必於鄉黨必於庠序使眾人推其所謂賢能書之以告於上而察之誠賢能也然後隨其德之大小才之高下而官使之所謂察之者非專用耳目之聰明而聽私於一人之口也欲審知其德問以行欲審知其才問以言得其言行則

確士云已上申言取之道

試之以事所謂察之者試之以事是也雖堯之用舜亦不過如此而已又况其下乎若夫九州之大四海之遠萬官億醜之賤所須士大夫之才則眾矣有天下者又不可以一一自察之也又不可以偏屬於一人而使之於一日二日之間考試其行能而進退之也蓋吾已能察其才行之大者以為大官矣因使之取其類以持久試之而考其能者以告於上而後以爵命祿秩予之而已此取之道也所謂任之之道者何也人之才德高下厚薄不同其所任有宜有不宜先王知其如此故知農者以為后稷知工者以為共工其德厚而才高者以為之長德薄而才下者以

為之佐屬。又以久於其職。則上狃習而知其事。下服馴而安其教。賢者則其功可以至於成。不肖者則其罪可以至於著。故久其任而待之以考績之法。夫如此。故智能才力之士。則得盡其智以赴功。而不患其事之不終。其功之不就也。偷惰苟且之人。雖欲取容於一時。而顧僇辱在其後。安敢不勉乎。若夫無能之人。固知辭避而去矣。居職任事之日久。不勝任之罪。不可以幸而免。故也。彼且不敢冒而知辭避矣。尚何有比周讒諂爭進之人乎。取之既已詳。使之既已當。處之既已久。至其任之也。又專焉而不一。以法束縛之。而使之得行其意。堯舜之所以理百官而熙衆

沈曰已上申言任之道

山陽云篇末勉字斷字已暗伏在此中。確士云已上四段正說已下四段反說

山陽云入四段處不着提語後段皆然。唯於結處見之與四正異樣文法避板也

工者以此而已。書曰。三載考績。三考黜陟。幽明此之謂也。然堯舜之時。其所黜者。則聞之矣。蓋四凶是也。其所陟者。則臯陶稷契皆終身一官。而不徙。蓋其所謂陟者。特加之爵命祿賜而已耳。此任之之道也。夫教之養之。取之任之之道。如此。而當時人君又能與其大臣。悉其耳目心力。至誠惻怛。思念而行之。此其人臣之所以無疑。而於天下國家之事。無所欲為。而不得也。方今州縣雖有學。取墻壁具而已。非有教導之官。長育人才之事也。唯太學有教導之官。而亦未嘗嚴其選。朝廷禮樂刑政之事。未嘗在於學。學者亦漠然自以禮樂刑政為有司之事。而非已所當知也。

學者之所教講說章句而已。講說章句固非古者教
 入之道也。近歲乃始教之以課試之文章。夫課試之
 文章非博誦強學窮日之力則不能及其能工也。大
 則不足_{名。言。道。盡。病。痛。}以用天下國家小則不足_{名。言。道。}以為天下國家之
 用。故雖白首於庠序窮日之力以帥上之教及使之
 從政則茫然不知其方者皆是也。蓋今之教者非特
 不能成人之材而已。又從而困苦毀壞之使不得成
 材者何也。夫人之才成於專而毀於雜。故先王之處
 民才處工於官府處農於畝畝處商賈於肆而處士
 於庠序使各專其業而不見異物懼異物之足以害
 其業也。所謂士者又非特使之不得見異物而已。一

山陽云此則屬確論
 矣西土通弊君相人
 人知之而不能革者
 本朝無此事然本朝
 併無補之學無有也

取之以先王之道而百家諸子之異說皆屏之而莫
 敢習者焉。今士之所宜學者天下國家之用也。今悉
 使置之不教而教之以課試之文章使其耗精疲神
 窮日之力以從事於此及其任之_{明。祖。明。}以官也則又悉使
 置之_{服。政。試。士。以。來。正。坐。此。病。所。以。人。木。日。下。而。國。家。}而責之以天下國家之事夫古之人以朝夕專
 其業於天下國家之事而猶才有能有不能今乃移
 其精神奪其日力以朝夕從事於無補之學及其任
 之以事然後卒然責之以為天下國家之用宜其才
 之足以有為者少矣。臣故曰非特不能成人之才又
 從而困苦毀壞之使不得成才也。又有甚害者先王
 之時士之所學者文武之道也。士之才有可以為公

卿大夫有可以為士其才之大小宜不宜則有矣。至於武事則隨其才之大小未有不學者也。故其大者居則為六官之卿出則為六軍之將也。其次則比閭族黨之師亦皆卒伍師旅之帥也。故邊疆宿衛皆得士大夫為之而小人不得奸其任。今之學者以為文武異事吾知治文事而已至於邊疆宿衛之任則推而屬之於卒伍往往天下奸悍無賴之人苟其才行足自託於鄉里者亦未有肯去親戚而從召募者也。邊疆宿衛此乃天下之重任而人主之所當慎重者也。故古者教士以射御為急其他技能則視其人才之所宜而後教之其才之所不能則不強也。至於射

山陽云此前人所未發把經術為實用大發讀書人神智

則為男子之事人之生有疾則已苟無疾未有去射而不學者也在庠序之間固當從事於射也有賓客之事則以射有祭祀之事則以射別士之行同能偶則以射於禮樂之事未嘗不寓以射而射亦未嘗不在於禮樂祭祀之間也。易曰弘矢之利以威天下先王豈以射為可以習揖讓之儀而已乎固以為射者武事之尤大而威天下守國家之具也。居則以是習禮樂出則以是從戰伐士既朝夕從事於此而能者眾則邊疆宿衛之任皆可以擇而取也。夫士嘗學先王之道其行義嘗見推於鄉黨矣然後因其才而託之以邊疆宿衛之事此古之人君所以推干戈以屬

山陽云本朝兵權歸武門亦職是由

確士云已上教之不以其道

之人而無內外之虞也。今乃以守天下之重任。人主所當至慎之選。推而屬之。姦悍無賴。才行不足。自託於鄉里之人。此方今所以認認然常抱邊疆之憂。而虞宿衛之不足。恃以為安也。今孰不知邊疆宿衛之士。不足恃以為安哉。顧以為天下學士。以執兵為恥。而亦未有能騎射行陣之事者。則非召募之卒伍。孰能任其事者乎。夫不嚴其教。高其選。則士之以執兵為恥。而未嘗有能騎射行陣之事。固其理也。凡此皆教之非其道故也。方今制祿。大抵皆薄。自非朝廷侍從之列。食口稍衆。未有不兼農商之利。而能克其養者也。其下州縣之吏。一月所得。多者錢八九千。少者

山陽云此亦確論。本朝當今諸府吏胥為奸亦職之由

四五千。以守選待除。守闕通之。蓋六七年而後得三年之祿。計一月所得。乃實不能四五千。少者乃實不能及三四千而已。雖廩養之給。亦窘於此矣。而其養生喪死。婚姻葬送之事。皆當於此。夫出中人之上者。雖窮而不失為君子。出中人之下者。雖泰而不失為小人。唯中人不然。窮則為小人。泰則為君子。計天下之士。出中人之上下者。千百而無十一。窮而為小人。泰而為君子者。則天下皆是也。先王以為衆不可以力勝也。故制行不以已。而以中人為制。所以因其欲而利道之。以為中人之所能守。則其志可以行乎天下。而推之後世。以今之制祿。而欲士之無毀廉恥。蓋

中。人。之。所。不。能。也。故。今。官。大。者。往。往。交。賂。遺。營。貨。產。以。負。貪。污。之。毀。官。小。者。販。鬻。乞。丐。無。所。不。為。夫。士。已。嘗。毀。廉。恥。以。負。累。於。世。矣。則。其。偷。情。取。容。之。意。起。而。矜。奮。自。強。之。心。息。則。職。業。安。得。而。不。弛。治。道。何。從。而。興。乎。又。况。委。法。受。賂。侵。牟。百。姓。者。往。往。而。是。也。此。所。謂。不。能。饒。之。以。財。也。婚。喪。奉。養。服。食。器。用。之。物。皆。無。制。度。以。為。之。節。而。天。下。以。奢。為。榮。以。儉。為。恥。苟。其。財。之。可。以。具。則。無。所。為。而。不。得。有。司。既。不。禁。而。人。又。以。此。為。榮。苟。其。財。不。足。而。不。能。自。稱。於。流。俗。則。其。婚。喪。之。際。往。往。得。罪。於。族。人。親。姻。而。人。以。為。恥。矣。故。富。者。貪。而。不。知。止。貧。者。則。強。勉。其。不。足。以。追。之。此。士。之。所。

鹿門云荆公一眼已射左右通貴之侈山陽云養之非其道一段通篇本真所歸重於此洗發之

以重困而廉恥之心毀也。凡此所謂不能約之以禮也。方今陛下躬行儉約以率天下。此左右通貴之臣所親見。然而其閨門之內奢靡無節。犯上之所惡。以傷天下之教者。有已甚者矣。未聞朝廷有所放縱。以示天下。昔周之人拘羣飲而被之。以殺刑者。以為酒之末流生害。有至於死者眾矣。故重禁其禍之所自。生重禁禍之所自。生故其施刑極省。而人之抵於禍敗者少矣。今朝廷之法。所尤重者。獨貪吏耳。重禁貪吏。而輕奢靡之法。此所謂禁其末。而弛其本。然而世之識者。以為方今官冗。而縣官財用已不足。以供之。其亦蔽於理矣。今之入官。誠冗矣。然而前世置員。蓋

鹿門云荆公理財之言已露於此

山陽云理財一節意稍溢出條目之外蓋其本意所注不覺矢口至此也

甚少而賦祿又如之薄則財用之所不足蓋亦有說矣。吏祿豈足計哉。臣於財利固未嘗學然竊觀前世治財之大略矣。蓋因天下之力以生天下之財。取天下之財以供天下之費。自古治世未嘗以不足為天下之公患也。患在治財無其道耳。今天下不見兵革之具而元元安土樂業人致已力以生天下之財。然而公私常以困窮為患者殆以理財未得其道而有司不能度世之宜而通其變耳。誠能理財以其道而通其變。臣雖愚固知增吏祿不足以傷經費也。方今法嚴令具所以羅天下之士可謂密矣。然而亦嘗教之以道藝而有不帥教之刑以待之乎。亦嘗約之

又云下三刑字語氣激昂而筆透紙背此又其素心所在故然

天士云已上養之非其道
山陽云治之非其道
治字恐養誤

以制度而有不循理之刑以待之乎。亦嘗任之以職事而有不任事之刑以待之乎。夫不先教之以道藝誠不可以誅其不帥教不先約之以制度誠不可以誅其不循理不先任之以職事誠不可以誅其不任事此三者先王之法所尤急也。今皆不可得誅而薄物細故非害治之急者為之法禁月異而歲不同為吏者至於不可勝記又况能一一避之而無犯者乎。此法令所以玩而不行小人有幸而免者君子有不幸而及者焉。此所謂不能裁之以刑也。凡此皆治之非其道也。方今取士強記博誦而略通於文辭謂之茂才異等賢良方正茂才異等賢良方正者公卿之

山陽云華法繳繞纏縛如老吏舞文巧詆使人不得出脫此等文氣自韓非來判公

選也。記不必強誦，不必博略，通於文辭而又嘗學詩賦，則謂之進士。進士之高者，亦公卿之選也。夫此二科所得之技能不足，以為公卿不待論而後可知。而世之議者，乃以為吾常以此取天下之士，而才之可為公卿者，常出於此。不必法古之取人，而後得士也。其亦蔽於理矣。先王之時，盡所以取人之道，猶懼賢者之難進，而不肖者之雜於其間也。今悉廢先王所以取士之道，而毆天下之才士，悉使為賢良進士。則士之才，可以為公卿者，固宜為賢良進士，而賢良進士亦固宜有時而得才之，可以為公卿者也。然而不肖者，苟能雕蟲篆刻之學，以此進至乎公卿才之

天資刻薄，慘嚴少恩，其人似韓非，其政似韓非，故其文亦似韓非。

鹿門云：此便是劫神宗之獨任，而不容群臣撓亂根基。

可以為公卿者，困於無補之學，而以此絀死於畝野，蓋十八九矣。夫古之人有天下者，其所以慎擇者，公卿而已。公卿既得其人，因使推其類以聚於朝廷，則百司庶物無不得其人也。今使不肖之人，幸而至乎公卿，因得推其類聚之朝廷，此朝廷所以多不肖之人。而雖有賢智，往往困於無助，不得行其意也。且公卿之不肖，既推其類以聚於朝廷，朝廷之不肖，又推其類以備四方之任使。四方之任使者，又各推其不肖以布於州郡，則雖有同罪舉官之科，豈足恃哉。適足以為不肖者之資而已。其次九經五經學，究明法之科，朝廷固已嘗患其無用於世，而稍責之以大義。

古語唐守八家文讀本

卷二十一

十三

鹿門云。又是荆公指自家一輩人。

矣。然大義之所得。未有以賢於故也。今朝廷又開明經之選。以進經術之士。然明經之所取。亦記誦而畧通於文辭者。則得之矣。彼通先王之意。而可以施於天下國家之用者。顧未必得與於此選也。其次則恩澤子弟。庠序不教之。以道藝。官司不考問其才能。父兄不保任其行義。而朝廷輒以官予之。而任之以事。武王數紂之罪。則曰官人以世。夫官人以世。而不詳其才行。此乃紂之所以亂亡之道。而治世之所無也。又其次曰流外。朝廷固已擠之於廉恥之外。而限其進取之路矣。顧屬之以州縣之事。使之臨士民之上。豈所謂以賢治不肖者乎。以臣使事之所及。一路數

確士云。已上言取之不以其道。

千里之間。州縣之吏。出於流外者。往往而有。可屬任以事者。殆無一二。而當防閑其奸者。皆是也。蓋古者有賢不肖之分。而無流品之別。故孔子之聖。而嘗為季氏吏。蓋雖為吏。而亦不害其為公卿。及後世有流品之別。則凡在流外者。其所成立。固嘗自置於廉恥之外。而無高人之意矣。夫以近世州俗之流靡。自雖士大夫之才。足以進取。而朝廷嘗獎之。以禮義者。晚節末路。往往怵而為奸。况又其素所成立。無高人之意。而朝廷固已擠之於廉恥之外。限其進取者乎。其臨人親職。放僻邪侈。固其理也。至於邊疆宿衛之選。則臣固已言其失矣。凡此皆取之非其道也。方今

鹿門云切中今日事

取之既不以其道至於任之又不問其德之所宜而問其出身之後先不論其才之稱否而論其歷任之多少以文學進者且使之治財已使之治財矣又轉而使之典獄已使之典獄矣又轉而使之治禮是則一人之身而責之以百官之所能備宜其人才之難為也夫責人以其所難為則人之能為者少矣人之能為者少則相率而不為故使之典禮未嘗以不知禮為憂以今之典禮者未嘗學禮故也使之典獄未嘗以不知獄為恥以今之典獄者未嘗學獄故也天下之人亦已漸漬於失教被服於成俗見朝廷有所任使非其資序則相議而訕之至於任使之不當其

情

又云亦切今日事情

才未嘗有非之者也且在位者數徙則不得久於其官故上不能狃習而知其事下不肯服馴而安其教賢者則其功不可以及於成不肖者則其罪不可以至於著若夫迎新將故之勞綠絕簿書之弊固其害之小者不足悉數也設官大抵皆當久於其任而至於所部者遠所任者重則尤宜久於其官而後可以責其有為而方今尤不得久於其官往往數日輒遷之矣取之既已不詳使之既已不當處之既已不久至於任之則又不專而又一一以法束縛之不得行其意臣故知當今在位多非其人稍假借之權而不一一以法束縛之則放恣而無不為雖然在位非其

卷二十九

十五

山陽云一篇中華墨
飛辭躡躡滿志處正
在處之任之非其道
一段來是本意可雁
也故於結語見之不
唯故變文法也

人而恃法以為治自古及今未有能治者也即使
位皆得其人矣而一一以法束縛之不使之得行其
意亦自古及今未有能治者也夫取之既已不詳使
之既已不當處之既已不久任之又不得而又一一
以法束縛之故雖賢者在位能者在職與不肖而無
能者殆無以異夫如此故朝廷明知其賢能足以任
事苟非其資序則不以任事而輒進之雖進之士猶
不服也明知其無能而不肖苟非有罪為任事者所
劾不敢以其不勝任而輒退之雖退之士猶不服也
彼誠不肖無能然而士不服者何也以所謂賢能者
任其事與不肖而無能者亦無以異故也臣前以謂

確士云以上言任之
不以其道
山陽云此一結所謂
万派飛流注在一壑
者

不能任人以職事而無不任事之刑以待之者蓋謂
此也夫教之養之取之任之有一非其道則足以敗
天下之人才又况兼此四者而有之則在位不才苟
簡貪鄙之人至於不可勝數而草野閭巷之間亦少
可任之才固不足怪詩曰國雖靡止或聖或否民雖
靡盬或哲或謀或肅或艾如彼泉流無淪胥以敗此
之謂也夫在位之人才不足矣而閭巷草野之間亦
少可用之才則豈特行先王之政而不得也社稷之
託封疆之守陛下其能久以天幸為常而無一旦之
憂乎蓋漢之張角三十六萬同日而起所在郡國莫
能發其謀唐之黃巢橫行天下而所至將吏無敢與

之抗者漢唐之所以亡禍自此始唐既亡矣陵夷以
 至五代而武夫用事賢者伏匿消沮而不見在位無
 復有知君臣之義上下之禮者也當是之時變置社
 稷蓋甚於奕棋之易而元元肝腦塗地幸而不轉死
 於溝壑者無幾耳夫人才不足其患蓋如此而方今
 公卿大夫莫肯為陛下長慮後顧為宗廟萬世計臣
 竊惑之昔晉武帝趣過目前而不為子孫長遠之謀
 當時在位亦皆偷合苟容而風俗蕩然棄禮義捐法
 制上下同失莫以為非有識固知其將必亂矣而其
 後果海內大擾中國列於夷狄者二百餘年伏惟三
 廟祖宗神靈所以付屬陛下固將為萬世血食而大

確上云收卷前文提
 綱四正四反又生出
 下文五事

庇元元於無窮也臣願陛下鑒漢唐五代之所以亂
 亡懲晉武苟且因循之禍明詔大臣思所以陶成大
 下之才慮之以謀計之以數為之以漸期為合於當
 世之變而無負於先王之意則天下之人才不勝用
 矣人才不勝用則陛下何求而不得何欲而不成哉
 夫慮之以謀計之以數為之以漸則成天下之才甚
 易也臣始讀孟子見孟子言王政之易行心則以為
 誠然及見與慎子論齊魯之地以為先王之制國大
 抵不過百里者以為今有王者起則凡諸侯之地或
 千里或五百里皆將損之至於數十百里而後止於
 是疑孟子雖賢其仁智足以一天下亦安能毋劫之

點莊書卷八

卷二十九

以兵革而使數百千里之強國一旦肯損其地之十
八九比於先王之諸侯至其後觀漢武帝用主父偃
之策令諸侯王地悉得推恩封其子弟而漢親臨定
其號名輒別屬漢於是諸侯王之子弟各有分土而
勢強地大者卒以分析弱小然後知慮之以謀計之
以數為之以漸則大者因可使小強者因可使弱而
不至乎傾駭變亂敗傷之釁孟子之言不為過又况
今欲改易更革其勢非若孟子所為之難也臣故曰
慮之以謀計之以數為之以漸則其為甚易也然先
王之為天下不患人之不為而患人之不能不患人
之不能而患已之不勉何為不患人之不能而患人

山陽云仁宗幸不勉
不斷神宗一勉之斷
之而宋祚促矣
確士云生出勉之一
層

之不能人之情所願得者善行美名尊爵厚利也而
先王能操之以臨天下之士天下之士有能遵之以
治者則悉以其所願得者以與之士不能則已矣苟
能則孰肯舍其所願得而不自勉以為才故曰不患
人之不為患人之不能何謂不患人之不能而患已
之不勉先王之法所以待人者盡美自非下愚不可
移之才未有不能赴者也然而不謀之以至誠惻怛
之心力行而先之未有能以至誠惻怛之心力行而
應之者也故曰不患人之不能而患已之不勉陛下
誠有意乎成天下之才則臣願陛下勉之而已臣又
觀朝廷異時欲有所施為變革其始計利害未嘗不

山陽云元祐黨碑上無數姓名皆荆公所視以為流俗僥倖之人者也

鹿門云此又是荆公欲以刑法劫則必行之意
山陽云本意所注再於是洗發之

熟也顧有一流俗僥倖之人不悅而非之則遂止而不敢為法度立則人無獨蒙其幸者故先王之政雖足以利天下而當其承弊壞之後僥倖之時其刑法立制未嘗不艱難也以其刑法立制而天下僥倖之人亦順悅以趨之無有齟齬則先王之法至今存而不廢矣惟其刑法立制之艱難而僥倖之人不肯順悅而趨之故古之人欲有所為未嘗不先之以征誅而後得其意詩曰是伐是肆是絕是忽四方以無拂此言文王先征誅而後得意於天下也夫先王欲立法度以變衰壞之俗而成人之才雖有征誅之難猶忍而為之以為不若是不可以有為也及至孔子以

又云青苗免役何其天下順悅之人眾也
確士云又生出斷字以為歸宿

匹夫遊諸侯所至則使其君臣捐所習逆所順強所劣懂懂如也卒困於排逐然孔子亦終不為之變以為不如是不足以有為此其所守蓋與文王同意夫在上之聖人莫如文王在下之聖人莫如孔子而欲有所施為變革則其事蓋如此矣今有天下之勢居先王之位初立法制非有征誅之難也雖有僥倖之人不悅而非之固不勝天下順悅之人眾也然而一有流俗僥倖不悅之言則遂止而不敢為者惑也陛下誠有意乎成天下之才則臣又願斷之而已夫慮之以謀計之以數為之以漸而又勉之以成斷之以果然而猶不能成天下之才則以臣所聞蓋未有也

確士云已下總見已說之可行

山陽云迂闊則然矣熟爛則未也唯迂闊故天下不便之唯不熟爛故已亦悔之

然臣之所稱流俗之所不講而今之議者以謂迂闊而熟爛者也竊觀近世士大夫所欲悉心力耳目以補助朝廷者有矣彼其意非一切利害則以為當世所能行者士大夫既以此希世而朝廷所取於天下之士亦不過如此至於大倫大法禮義之際先王之

又云究竟不脫才字

者魏文貞公一人爾其所施設雖未能盡當先王之意抑其大畧可謂合矣故能以數年之間而天下幾致刑措中國安寧蠻夷順服自三王以來未有如此盛時也唐太宗之初天下之俗猶今之世也魏文貞公之言固當時所謂迂闊而熟爛者也然其效如此賈誼曰今或言德教之不如法令胡不引商周秦漢以觀之然則唐太宗之事亦足以觀矣臣幸以職事歸報陛下不自知其駑下無以稱職而敢及國家之大體者以臣承陛下任使而當歸報竊謂在位之人

事之所及而陛下之所宜先聞者也釋此不言而毛舉利害之一二以汗陛下之聰明而終無補於世則非臣所以事陛下惓惓之義也伏惟陛下詳思而擇其中天下幸甚

鹿門云荆公以王佐之學與王佐之才自任故其一生措注已盡於此書中所以結知主上亦全在此書中然其學本經術故所言非漢唐以來宰相所能見而其偏極自用大較與商鞅所

儲同人云荆公此書只是要改制變法大肆更張耳胸中有無數見解無數話頭却尋出人才不足四字統之架堂立柱將胸中所欲言者盡數納入隨機大發故議論愈多頭緒愈整由其以一線貫千條也
陶冶人才以行先王之政此立言大意也前提出教之養之取之任之四綱先用正說以申之又用

欲變法處相近故其功業亦遂大壞而反不如近世淳沈者之得學者須具千古隻眼看之

反說以形之總束前文又生出慮之以謀計之以數為之以漸三項又轉出勉之斷之以作歸宿末又勸人主排眾議以行已說他日變更成法以毒禍天下隱兆於此矣然其行文部勒有方如大將將數十萬兵而不亂中間絲聯繩牽提挈起伏照應收繳動嫻法則極長篇之能事紀綱頽靡以後固須振攝一番介甫特執拗太過未免矯枉而戾乎人情所以紛更兆禍耳若謂其言全無足取恐未必然

四十一卷十一月三十日
十一則也分二回

總旨

此文神字即位之初二方之
之三德ヲ修シテヲ勸ムル文之
大意言フ人主能ク其德
ヲ修シテハ即位ノ後行ハ間
ヲ得テ入ルナク忠良ヲ得テ
進ムベトナリ凡テ三般

進戒疏

臣某昧死再拜上疏皇帝陛下。臣竊以為陛下既終
亮陰考之於經則羣臣進戒之時而臣待罪近司職
當先事有言者也。竊聞孔子論為邦先放鄭聲而後
曰遠佞人仲虺稱湯之德先不邇聲色不殖貨利而
後曰用久惟己蓋以謂不淫耳目於聲色玩好之物
然後能精於用志能精於用志然後能明於見理能
明於見理然後能知人能知人然後佞人可得而遠
忠臣良士與有道之君子類進於時有以自竭則法
度之行風俗之成甚易也。若夫人主雖有過人之材
而不能早自戒於耳目之欲至於過差以亂其心之

鹿門云傾動主上處

所○思○則○用○志○不○精○用○志○不○精○則○見○理○不○明○見○理○不○明
則○邪○說○詖○行○必○窺○間○乘○殆○而○作○則○其○至○於○危○亂○也○豈
難○哉○伏○惟○陛○下○即○位○以○來○未○有○聲○色○玩○好○之○過○聞○於
外○然○孔○子○聖○人○之○盛○尚○自○以○為○七○十○而○後○敢○縱○心○所
欲○也○今○陛○下○以○鼎○盛○之○春○秋○而○享○天○下○之○大○奉○所○以
惑○移○耳○目○者○為○不○少○矣○則○臣○之○所○豫○慮○而○陛○下○之○所
深○戒○宜○在○於○此○天○之○生○聖○人○之○材○甚○吝○而○人○之○值○聖
人○之○時○甚○難○天○既○以○聖○人○之○材○付○陛○下○則○人○亦○將○望
聖○人○之○澤○於○此○時○伏○惟○陛○下○自○愛○以○成○德○而○自○強○以
赴○功○使○後○世○不○失○聖○人○之○名○而○天○下○皆○蒙○陛○下○之○澤
則○豈○非○可○願○之○事○哉○臣○愚○不○勝○惓○惓○唯○陛○下○恕○其○狂

鹿門云於亮陰初以
声色二字為遠倭人
之本便是荆公得力
的學問

妄而幸賜省察

頗得大臣格心之義此孔子所謂不以人廢言也
文亦典要通明不須枝葉

總旨

此篇人過字能之過
能改之聖且賢
聖也非之非三改

山陽云如此語調昌
黎之後唯半山有之

原過

天有過乎有之。陵歷闕缺是也。地有過乎有之。崩死
竭塞是也。天地舉有過卒不累覆且載者何善復常
也。人介乎天地之間則固不能無過卒不害聖且賢

山陽云此語調昌
黎之後唯半山有之

晚村云思字替上海
字行字替上改字

山陽云蘇家不知此
古錄

晚村云更進一步方
警而奇

與門及文及陳三百

者何亦善復常也。故太甲大甲篇。在惟庸。同。念開後。思伊尹伊尹。伊。言而改其備。改過揚
雄貴伊尹。伊。言而改其備。遷善皆是術也。予之朋有過而能悔而能改
人則曰是向之從事云爾。今從事與向之從事弗類。
非其性也。飾表以疑世也。夫豈知言哉。天播五行於
萬靈。人固備而有之。有而不思則失思而不行則廢。
一日咎前之非沛然思而行之。是失而復得。廢而復
舉也。顧曰非其性是率天下而戕性也。且如人有財。
見篡於盜已而得之曰非夫人之財向篡於盜矣。可
歟不可也。財之在已固不若性之為已。有也財失復
得曰非其財且不可性失復得曰非其性可乎。
即无咎善補過意却說得異樣新穎作文固貴務

山陽云就譬喻結上意又用長句

又云忽拈出性字為轉仍為結又用短句

求情於小人耳。是其所謂情者。莫非喜怒哀樂好惡欲也。舜之聖也。象喜亦喜。使舜當喜而不喜。豈足以為舜乎。文王之聖也。王赫斯怒。當怒而不怒。則豈足以為文王乎。舉此二者而明之。則其餘可知矣。如其廢情。則性雖善。何以自明哉。誠如今論者之說。無情者善。則是若木石者尚矣。是以知性情之相須。猶弓矢之相待。而用若夫善惡。則猶中與不中也。曰然則性有惡乎。曰孟子曰。養其大體為大人。養其小體為小人。揚子曰。人之性善惡混。是知性可以為惡也。性即理也。情即性之動也。孟子即情善以驗性善。則情非惡可知矣。自李翱云。人之所以為聖者。性

也。其所以為惡。則情也。於是宋儒遂有性其情。情其性之說。而情遂歸於惡矣。此本中庸首章及孟子子乃若其情節。以疏解駁辨之。其說乃不墜於雲霧。

註點 唐宋八家文讀本卷二十九終

總旨

此篇八荀卿之幸リニ亂世ノ事ヲ以テ聖人ヲ曰ヒリ周公ヲ將テ表申シ五帝一筆ノ人ト同様ニ親倣セシメ見テ論セシメ

晚村云荀卿起

又云昇賤之士恐其言之不盡周公先請其畢辭

註點 唐宋八家文讀本卷三十

王安石介甫著 清 沈德潛確士評點

日本 川上廣樹纂評

周公論

甚哉荀卿之好妄也。載周公之言曰：吾所執贊而見者十人。還贊而相見者二十人。貌執者百有餘人。欲言而請畢事，千有餘人。是誠周公之所為，則何周公之小也。夫聖人為政於天下也，初若無為於天下，而天下卒以無所不治者，其法誠修也。故三代之制，立庠於黨，立序於遂，立學於國，而盡其道，以為養賢教

山陽云確論

又云遊公卿者不足言者此論最確最快

又云似柳之桐葉辨而彼簡鍊此流暢晚村云引證以見其小與前段照應

士之法是士之賢雖未及用而固無不見尊養者矣此則周公待士之道也誠若荀卿之言則春申孟嘗之行亂世之事也豈足為周公乎且聖世之士各有其業講道習藝患日之不足豈暇遊公卿之門哉彼遊公卿之門求公卿之禮者皆戰國之奸民而毛遂侯嬴之徒也荀卿生於亂世不能考論先王之法著之天下而惑於亂世之俗遂以為聖世之事亦若是而已亦已過也且周公之所禮者大賢與則周公豈惟執贄見之而已固當薦之天子而共天位也如其不賢不足與共天位則周公如何其與之為禮也子產聽鄭國之政以其乘輿濟人於溱洧孟子曰惠而

山陽云其文則奇其論則平

晚村云苟卿結

又云此篇以周公之

不知為政蓋君子之為政立善法於天下則天下治立善法於一國則一國治如其不能立法而欲人人悅之則日亦不足矣使周公知為政則宜立學校之法於天下矣不知立學校而徒能勞身以待天下之士則不唯力有所不足而勢亦有所不得也或曰仰祿之士猶可驕正身之士不可驕也夫君子之不驕雖閭室不敢自慢豈為其人之仰祿而可以驕乎嗚呼所為君子者貴其能不易乎世也荀卿生於亂世而遂以亂世之事量聖人後世之士尊荀卿以為大儒而繼孟子者吾不信矣為正士者不當遊公卿之門而周公為政自當養

小辨荀卿之妄小即孟子兼與濟人之意安則以亂世之事而測量聖人也此是兩重公案

山陽云介甫其人似荀其文亦似荀蓋平生所枕藉故時見其可議作論譏之猶抑之非國語

禮論 禮之於人猶天之於物也禮者天之理也天之理不可亂也猶天之不可亂也禮者天之理也天之理不可亂也猶天之不可亂也

禮論

嗚呼荀卿之不知禮也其言曰聖人化性而起偽吾是以知其不知禮也知禮者貴乎知禮之意而荀卿

不知禮是古文定法

晚村云先盡其說而後折之文亦波瀾

山陽云言生處短

盛稱其法度節奏之美至於言化則以為偽也亦烏知禮之意哉故禮始於天而成於人知天而不知人則野知人而不知天則偽聖人惡其野而疾其偽以是禮興焉今荀卿以謂聖人之化性而起偽則是不知天之過也然彼亦有見而云爾凡為禮者必識其放傲之心逆其嗜慾之性莫不欲逸而為尊者勞莫不欲得而為長者讓擊跪曲拳以見其恭夫民之於此豈皆有樂之之心哉患上之惡已而隨之以刑也故荀卿以為特劫之法度之威而為之於外爾此亦不思之過也夫斲木而為之器服馬而為之駕此非生而能者也故必削之以斧斤直之以繩墨圓之以

山陽云言生處短

山陽云言客處長

又云然字轉自客入
主前段短長相反至
此乃判矣

鹿門云又一及我上

又云又一繳
晚村云後上捨木不

規而方之。以矩束聯膠漆之。而後器適於用焉。前之
以銜勒之制。後之以鞭策之威。馳驟舒疾。無得自放。
而一聽於人。而後馬適於駕焉。由是觀之。莫不劫之
於外。而服之以力者也。然聖人捨木而不為器。捨馬
而不為駕者。固亦因其天資之材也。今人生而有嚴
父愛母之心。聖人因其性之欲。而為之制焉。故其制
雖有以強人。而乃以順其性之欲也。聖人苟不為之
禮。則天下蓋將有慢其父而疾其母者矣。此亦可謂
失其性也。得性者以為偽。則失其性者乃可以為真。
乎。此荀卿之所以為不思也。夫狙猿之形。非不若人
也。欲繩之以尊卑。而節之以揖讓。則彼有趨於深山

為器捨馬不為駕抽
出此意而極言之

又云餘調極有力

鹿門云借荀卿之說
而辯之而行文亦終
圓轉
晚村云介甫論禮高
出三蘇之上。文亦適
甚

大麓而走耳。雖畏之以威。而馴之以化。其可服耶。以
謂天性無是。而可以化之。使偽耶。則狙猿亦可使為
禮矣。故曰禮始於天。而成於人。天則無是。而人欲為
之者。舉天下之物。吾蓋未之見也。

禮本於天。順乎性。一切委曲繁重之為。皆聖人因
其性之固有。而導之使還其天也。篇中攻去荀卿
之說。借喻意。透發正意。醒快絕倫。劫之於外。而
服之以力。句仍不無語病。聖人因之。非劫之也。

莊周論上

此篇謂七十世周仁義衰禮樂
ノ旨ヲ知ラザルニ非ズ以爲ララ
當時天下正大病ニ陥ル仁義
礼樂ノ説以テ直ニ之ヲ人ノ心
スニ足ラズ是ニ於テ已マ貴ヒ物
ヲ毀シ道ヲ以テ一時ノ弊ヲ矯
トス是猶症ニ對シ藥ヲ下カ
ハクテ以テ之ヲ永久ニ癒サド
ハクテ以テ之ヲ本音ハ古聖
人ノ道ヲ存スルニ在リ故ニ
黜テ以テ自カラ宋鉅頭
到黒聖老明ノ集ニ比シ
敢テ聖ノト安テ其言ハ
多クニサツリテ作ルニシテ
大道ノ全キニ非ズナリ其
説蓋シ莊子ノ天下篇ニ
本シク

山陽云排宕兩意一
小結

世之論莊子者不一而學儒者曰莊子之書務詆孔
子以信其邪說要焚其書廢其徒而後可其曲直固
不足論也學儒者之言如此而好莊子之道者曰莊
子之德不以萬物于其慮而能信其道者也彼非不
知仁義也以為仁義小而不足行已彼非不知禮樂
也以為禮樂薄而不足化天下故老子曰道失後德
德失後仁仁失後義義失後禮是知莊子非不達於
仁義禮樂之意也彼以為仁義禮樂者道之末也故
薄之云爾夫儒者之言善也然未嘗求莊子之意也
好莊子之言者固知讀莊子之書也然亦未嘗求莊

又云題腹一大段分
為兩節

子之意也昔先王之澤至莊子之時竭矣天下之俗
譎詐大作質朴並散雖世之學士大夫未有知貴已
賤物之道者也於是棄絕乎禮義之緒奪攘乎利害
之際趨利而不以為辱殞身而不以為怨漸漬陷溺
以至乎不可救已莊子病之思其說以矯天下之弊
而歸之於正也其心過慮以為仁義禮樂皆不足以
正之故同是非齊彼我一利害則以足乎心為得此
其所以矯天下之弊者也既以其說矯弊矣又懼來
世之遂實吾說而不見天地之純古人之大體也於
是又傷其心於卒篇以自解故其篇曰詩以道志書
以道事禮以道行樂以道和易以道陰陽春秋以道

山陽云又以一節反振之

名分由此而觀之。莊子豈不知聖人者哉。又曰譬如耳目鼻口皆有所明不能相通。猶百家眾技皆有所長。時有所用。是以明聖人之道。其全在彼而不在此。而亦自列其書於宋。鈔慎到墨翟老聃之徒。俱為不該不徧一曲之士。蓋欲明吾之言。有為而作。非大道之全云爾。然則莊子豈非有意於天下之弊。而存聖人之道乎。伯夷之清。柳下惠之和。皆有矯於天下者也。莊子用其心。亦二聖人之徒矣。然而莊子之言。不得不為邪說。比者蓋其矯之過矣。夫矯枉者欲其直也。矯之過則歸於枉矣。莊子亦曰。墨子之心則是也。墨子之行則非也。推莊子之心以求其行。則獨何

又云以心字換意字。自前節說入而昭應起處。使讀者不覺手法極敏。構法極密。又云終歸意宗。

鹿門云正賞。山陽云半山諸論中。此篇最平允。其文亦非其常調。

異於墨子哉。後之讀莊子者。善其為書之心。非其為書之說。則可謂善讀矣。此亦莊子之所願於後世之讀其書者也。今之讀者。挾莊以謾吾儒。曰莊子之道大哉。非儒之所能及。知也。不知求其意。而以異於儒者為貴。悲夫。

以莊子為矯世立說。正中肯綮。立論不掃莊子不傷聖道。筆筆折面面圓。此極經營匠心之作。釋氏之徒。引以為虛無之証。談養生者。又援其言以為長不死之方。去立言之旨。遠矣。子有讀莊子篇足以暢王氏之說。而不襲王氏願以就正立言君子。

總 二日

田正言即田况子正言也其官名之此書田况方正策對七言二據案案十其言云據案案十其言云

山陽云句法拗折處此公勝場

又云舉其言愧其心亦有生色

上田正言第一書 名死

正言執事某五月還家八月抵官每欲介西北之郵布一言道區區之懷輒以事廢揚東南之訖也舟輿至自汴者日十百數因得問汴事與執事息耗甚詳其間薦紳道執事介然立朝無所跛倚甚盛甚盛顧猶有疑執事者雖其亦然其之學也執事誨之進也執事獎之執事知某不為淺矣有疑焉不以聞何以償執事之知哉初執事坐殿廡下對方正策指斥天下利害奮不諱忌且曰願陛下行之無使天下謂制科為進取一塗耳方此時窺執事意豈若今所謂舉方正者獵取名位而已哉蓋曰行其志云爾今驟諫

又云教層往復而歸於獵取名位文勢回環未以人之疑以此結住甚勁似柳子厚結法

官朝夕耳目天子行事即一切是非無不可言者欲行其志宜莫若此時國之疵民之病亦多矣執事亦抵職之日久矣向之所謂疵者今或痊然若不可治矣向之所謂病者今或瘳然若不可起矣曾未聞執事建一言寤主上也何向者指斥之切而今之疏也豈向之利於言而今之言不利耶豈不免若今之所謂舉方正者獵取名位而已邪人之疑執事者以此為執事解者或造辟而言詭辭而出疏賤之人奚遽知其微哉是不然矣傳所謂造辟而言者延其言則不可得而聞也其言之效則天下斯見之矣今國之疵民之病有滋而無損焉烏所謂言之效邪復有為

山陽云、又以疑字結佳、以不能解收前二說、文情極勁、文体極潔、又云到底以疑字解字為結、

荆川云、歐公上范司

執事解者曰、蓋造辟而言之矣。如不用何。是又不然。臣之事君。三諫不從。則去之禮也。執事對策時常用。是著於篇。今言之而不從。亦當不翅三矣。雖惓惓之義。未能自去。孟子不云乎。有言責者。不得其言。則去。蓋亦辭其言責。邪。執事不能自免於疑也。必矣。雖堅強之辯。不能為執事解也。迺如某之愚。則願執事不矜寵利。不憚誅責。一為天下昌言。以寤主上。起民之病。治國之疵。蹇蹇一心。如對策時。則人之疑不解。自判矣。惟執事念之。如其不然。願賜教答。不宜與韓子爭臣論。歐陽子上范司諫書同意。而彼則閤閤此。則侃侃。由所養不同也。入手據正言對策。

諫書婉而切、荆公與田正言書直而勁、鹿門云、直而不阿、義形於辭、

山陽云、與韓歐二作較視、獨以勁、故見勝、更以再時、

總 此篇ハ張殿丞カ荆公カ父ノ韶州ニ在ルノ政事ヲ傳ヘシヨリ請ヒシニ答ヘタル書ナリ、權達韶州ニ中問一節專ニ史ヲ作ル情態ヲ盡ス、古今史事ノ得失ハ、只公私疑信ノ間ニ在ルヲ言フ、其論甚ク備ビリ、王闢修謂ラク公ノ父ノ政事、他ニ考フベキナシ、公ノ集ニ先大夫述アリ、韶州ノ事ヲ叙ス、謂フ公カ韶ヲ守テヨリ、男女ノ市ニ在ルヲ塗土シ、ヲニセ、又翁源ノ地ニ虎ノ多シク、公之ヲ捕ム、初ルニ虎ノ自カラ斃ル、者五ナリト見エリト、此等事カ即ケ張ノ稱セシ所ナカシ、然リ也、豈其レ然ラシヤトアリ、リ、聞修カ意ニ、虎ノ自カラ斃ル、ハ、以テ實ニ非ス、トナセシナリ、蓋シ能斃ル者、諫辭ナリ、荆公ノ父名ハ益、初官員外郎ニ在リセリ、

作案以下層層翻剝、與孟子謂蚺鼈據其請士師、作案同例、古人文章各有原本、但化其面目耳、

答韶州張殿臣書

殿臣諸本殿丞三作ル善官名之

某啓、伏蒙再賜書、示及先君韶州之政、為吏民稱誦、至今不絕、傷今之士大夫、不盡知、又恐史官不能記、載、以次前世良吏之後、此皆不肖之孤、言行不足信、

晚村云此段士大夫
不盡知

又云此段恐史官不
能記載

於天下不能推揚先人之功緒餘烈使人人得聞知
之所以夙夜愁痛疚心疾首而不敢息者以此也先
人之存其尚少不得備聞為政之迹然嘗侍左右尚
能記誦教誨之餘蓋先君所存嘗欲大潤澤於天下
一物枯槁以為身羞大者既不得試已試乃其小者
耳小者又將泯沒而無傳則不肖之孤罪大釁厚矣
尚何以自立於天地之間耶閣下勤勤惻惻以不傳
為念非夫仁人君子樂道人之善安能以及此自三
代之時國各有史而當時之史多世其家往往以身
死職不負其意蓋其所傳皆可考據後既無諸侯之
史而近世非尊爵盛位雖雄奇偉烈道德滿衍不幸

又云此段淋漓痛快
已足為幽潛吐氣

迂齋云自三代之時
至此七八轉而不過
二百餘字曲盡文字
之妙

不為朝廷所稱名位不顯輒不得見於史而執筆者又雜出一
時之貴人觀其在廷論議之時人人得講其然不尚
或以忠為邪以異為同誅當前而不慄訕在後而不
羞苟以屢其忿好之心而止耳而况陰挾翰墨以裁
前人之善惡疑可以貸褒似可以附毀往者不能訟
當否生者不得論曲直賞罰誇譽又不施其間以彼
其私獨安能無欺於真昧之間邪善既不盡傳而傳
者又不可盡信如此唯能言之君子有大公至正之
道名實足以信後世者耳目所遇一以言載之則遂
以不朽於無窮耳伏惟閣下於先人非有一日之雅
餘論所及無黨私之嫌苟以發潛德為己事務推所

晚村云收士大夫

迂腐云文字宛轉抑揚中間一節曲尽作史情態古今史筆得失只在公私疑信之間其論甚備

聞告世之能言而足信者使得論次以傳焉則先君之不得列於史官豈有恨哉

從來史書之病痛切言之則未擅才學識三長秉公正不欺之志者未易言作史也讀中一段令人凜凜懷人禍鬼責之懼○錢受之素推史才然是非往往不公况以淺學之人挾自是之見悻悻然遽操史筆耶以云良史恐未必然○荆公父名益官都官員外郎

總 七日

此文蓋三公宰相之口上命ヲ承リテ趙高ニ申シ西夏人ノ來附スル者ヲ糾シシムル書ナリ趙高時ニ龍圖閣直學士ヲシテ此字ニ印タリ

與趙高書

某啓議者多言遽欲開納即頭人西人則示之以弱彼更倔強以事情料之殆不如此以我衆大當彼寡小我尚疲弊厭兵即彼偷欲得和可知我深閉固距使彼不得安息則彼上下忿懼并力一心致死於我此彼所以能倔強也我明示開納則彼孰敢違衆首議欲為倔強者就令有敢如此則彼舉國皆將德我而怨彼孰肯為之致死此所以怒我而忿寇也老子曰抗兵相加愛者勝矣此之謂也至於開納之後與之約此為再和着漚淵後宋君臣惜不出此所以歲幣日增兵革不可遽遽則彼將驕而易我蓋明示開納所以息其衆而紓吾患徐與之議所以示之難而堅其約聖

山陽云就倔強二字言三重複之文愈有姿意愈明了

又云兩意分層其謀甚老其文甚鍊

山陽云苟能如此亦不愧宰相矣

鹿門云中多持重處亦合兵機

上恐龍圖未喻此指故令以書具道前降指揮如西
人有文字詞理恭順即與收接聞奏宜即明示界上
使我吏民與彼舉國皆知朝廷之意
老謀深識就此文何嘗執拗

周禮義序
士弊於俗學久矣聖上閱焉以經術造之乃集儒臣

總曰

此文周禮序之因
述之今日復サスル
意及之其主上ヲ
此ヲ主上ヲ練勤ス
ルニ在リ凡テ三般

山陽云訓而設之不
如追而復之之難果
爾青苗市易天下爭
者如蠅毛而起

訓釋厥旨將播之校學而臣某實董周官惟道之在
政事其貴賤有位其後先有序其多寡有數其遲數
有時制而用之存乎法推而行之存乎人其人足以
任官其官足以行法莫盛乎成周之時其法可施於
後世其文有見於載籍莫具乎周官之書蓋其因習
以崇之賡續以終之至於後世無以復加則豈特文
武周公之力哉猶四時之運陰陽積而成寒暑非一
日也自周之衰以至於今歷歲千數百矣太平之遺
迹掃蕩幾盡學者所見無復全經於是時也乃欲訓
而發之臣誠不自揆然知其難也以訓而發之之為
難則又以知夫立政造意追而復之之為難然竊觀

鹿門云暗伏鍊動主
上之意

山陽云荆公所自喜
在讀周礼而其相業
所幸自誤處亦在周
礼

躋躋字

聖上致法就功取成於心訓迪在位有馮有翼疊疊
乎鄉六服承德之世矣以所觀乎今考所學乎古所
謂見而知之者臣誠不自揆妄以為庶幾焉故遂昧
冒自竭而忘其材之弗及也謹列其書為二十有二
卷凡千餘萬言上之御府副在有司以待制詔頒焉
謹序

不用鋪排簡而能莊諸經序中以此篇為最惜乎
泥而用之遂至於亂天下也○愚嘗謂周禮本聖
人殘缺之書漢代劉歆之徒綴而完之以亂聖人
之經者也後人治經當取其純粹略其躋駁乃安
石棄其善者而惟取泉府一言以行其私有不為

總 七月

步今學校衰盛之叙
未以之為始也
今之學校衰盛之叙
未以之為始也
今之學校衰盛之叙
未以之為始也

山陽云開手階拔與
南堂宜黃學記對看
彼起處平平故請者
不覺觀
鹿門云學之本始

天下禍者哉愚向有周禮考一篇備詳其說

慈谿縣學記

天下不可一日而無政教故學不可一日而亡於天
下古者井天下之田而黨庠遂序國學之法立乎其
中鄉射飲酒春秋合樂養老勞農尊賢使能考藝選
言之政至於受成獻賦訊囚之事無不出於學於此

卷三十一

鹿門云暗伏後之杜醇為師

山陽云南豐正說長反說短此篇則一正

養天下智仁聖義忠和之士。以至一偏一伎一曲之學。無所不養。而又取士大夫之材。行完潔而其施設已嘗試於位而去者。以為之師。釋奠釋菜以教。不忘其學之所自。遷徙逼逐以勉其怠。而除其惡。則士朝夕所見所聞。無非所以治天下國家之道。其服習必於仁義。而所學必皆盡其材。一日取以備公卿大夫百執事之選。則其材行皆已素定。而士之備選者。其施設亦皆素所見聞而已。不待閱習而後能者也。古之在上者。事不慮而盡。功不為而足。其要如此而已。此二帝三王所以治天下國家而立學之本意也。後世無井田之法而學亦或在。或廢。大抵所以治天下

一反大抵相當唯正說長故人讀之易厭

又云法字伏後案

鹿門云宋仁廟以前學政之玩如此

國家者不復皆出於學而學之士羣居族處為師弟子之位者講章句課文字而已。至其陵夷之久。則四方之學者廢而為廟。以祀孔子於天下。斲木搏土如浮屠道士法為王者象。州縣吏春秋帥其屬釋奠於其堂而學士者或不預焉。蓋廟之作出於學廢而近世之法然也。今天子即位若干年。頗修法度而革近世之不然者。當此之時。學稍稍立於天下矣。猶曰州之士滿二百人乃得立學。於是慈谿之士不得有學而為孔子廟。如故廟又壞不治。今劉君在中言於州使民出錢將修而作之。未及為而去。時慶歷某年也。後林君肇至則曰古之所以為學者吾不得而見而

山陽云借林君口中
聯合古今甚好
鹿門云抱前

山陽云以噫字生出
議論矣字小住以固
字而字轉下以也字
住着再以夫字起議
論以雖字照應上文
以也字住三以夫字
起議論以也字住結
句肩於是二字句脚
不復置虛字咄然而
止此等處比南豐較
峭潔

法者吾不可以無循也。雖然吾之人民於此不可以
無教。即因民錢作孔子廟。如今之所云而治其四旁
為學舍講堂。其中帥縣之子弟起先生杜君醇為之
師。而興於學。噫林君其有道者耶。夫吏者無變今之
法。而不失古之實。此有道者之所能也。林君之為其
幾於此矣。林君固賢令。而慈谿小邑。無珍產淫貨。以
來四方遊販之民。田桑之美。有以自足。無水旱之憂
也。無遊販之民。故其俗一而不雜。有以自足。故人慎
刑而易治。而吾所見其邑之士。亦多美茂之材。易成
也。杜君者。越之隱君子。其學行宜為人師者也。夫以
小邑得賢令。又得宜為人師者。為之師。而以修醇一

鹿門云又一層深思

易治之俗。而進美茂。易成之材。雖拘於法。限於勢。不
得盡。如古之所為。吾固信其教化之將行。而風俗之
成也。夫教化可以美風俗。雖然必久而後至於善。而
今之吏其勢不能以久也。吾雖喜且幸其將行。而又
憂夫來者之不能繼也。於是本其意以告來者。
論所以立學處。詳明醇備。與宜黃學記相同。而曾
則溫厚。此則清峭。並為名作。

山陽云人字伏案

桂州廣西地之全靖
經路使多日土城
此文蓋防其具
其一人之要具
層之意論出而
人待存之故
武曹云城郭修
之曹余公付之
七之城是主余
是主之却推本
法上在論之
高之然在須用
實主之所識得
不敵以爲後
衛之有具云

桂州新城記

儂智高反南方出入十有二州十有二州之守吏或
死或不死而無一人能守其州者豈其材皆不足歟
蓋夫城郭之不設甲兵之不戒雖有智勇猶不能以
勝一日之變也惟天子亦以為任其罪者不獨守吏
故特推恩褒廣死節而一切貸其失職於是遂推選
士大夫所論以為能者付之經略而令尚書戶部侍
郎余公靖當廣西焉寇平之明年蠻越接和乃出城
桂州其方六里其木甃瓦石之材以枚數之至四百
萬有奇用人之力以工數之至一十餘萬凡所以守
之具無一求而有_レ不給者焉以至和元年八月始作

如主比自主意之鈞清
スル所スト凡テ五段

又云捲叙前面牽引
後文恨法字前後似
欠照應

而以二年之六月成夫其為役亦大矣蓋公之信於
民也久而費之欲以衛其財勞之欲以休其力以故
為是有大費與大勞而人莫或以為勤也古者君臣
父子夫婦兄弟朋友之禮失則夷狄橫而窺中國方
是時中國非無城郭也卒於陵夷毀頓陷滅而不救
然則城郭者先王有之而非所以恃而為存也及至
喟然覺悟興起舊政則城郭之修也又嘗不敢以為
後蓋有其患而圖之無其具有其具而守之非其人
有其人而治之無其法能以久存而無敗者皆未之
聞也故文王之興也有四夸之難則城於朔方而以
南仲宣王之起也有諸侯之患則城于東方而以仲

荆川云但為築城作記而歸之根本上說此是大議論

山甫此二臣之德協於其君於為國之本末與其所以先後可謂知之矣慮之以悄悄之勞而發赫赫之名承之以翼翼之勤而續明明之功卒所以攘夸狄而中國以全安者蓋其君臣如此而守衛之有其具也今余公亦以文武之材當明天子承平日久欲補弊立廢之時鎮撫一方修扞其民其勤於今與周之有南仲仲山甫蓋等矣是宜有紀也故其將吏相與謀而來取文將刻之城隅而以告後之人焉

修治城郭乃設險守國之道文更推進一層見禮實無形之城郭固為守國之本而禮教既修又當設有形之險以為捍衛兩者不容偏廢也中一段

下ノ幹ハ
此ノ幹ハ
十ヲシ

鹿門云荆公學本經術故其記文多以經術為業

此レ上有二好者一下有二甚焉一立曰艾一曰行一曰推及因テ先王ノ道ヲ行フニ推及ニ結末因テ以テ又士ノ責ヲ在リト此ヲ謂フ

山陽云此與墨池記極相似然彼一意層累此則兩段叙事而忽以一結意出題外

湛深經術而回幹無痕臨川文中極典重醇厚之作

芝閣記

祥符時封泰山以文天下之平四方以芝來告者萬數其大吏則天子賜書以寵嘉之小吏若民輒錫金帛方是時希世有力之大臣窮搜而遠采山農野老

然後入題再照前三段翻出奇波意更出題外末別以遺宕之筆感慨一番烟波爛熳非墨池一泓水可一覽而盡者比也鹿門云感慨可頌

當時實有也

又云千鈞之尾掉之有力

攀緣狙杙以上至不測之高下至澗溪壑谷分崩裂絕幽窮隱伏人迹之所不通往往求焉而芝出於九州四海之間蓋幾於盡矣至今上即位謙讓不德自大臣不敢言封禪詔有司以祥瑞告者皆勿納於是神奇之產銷藏委翳於蒿藜榛莽之間而山農野老不復知其為瑞也則知因一時之好惡而能成天下之風俗況於行先王之治哉太邱陳君學文而好奇芝生於庭能識其為芝惜其可獻而莫售也故閣於其居之東偏因取而藏之蓋其好奇如此噫芝一也或貴於天子或貴於士或辱於凡民夫豈不以時乎哉士之有道固不役志於貴賤而卒所以貴賤者何

又云荆公本色之佳處

山陽云荆公之文此最宏逸冷雋是文品高人一等處

此文章高深手筆能喻之此碑乃獲之四後世古書而均之皆學問上就于感慨之聲也

西仲云叙山名來歷

以異哉此予之所以歎也

李厚菴云與墨池同一機軸蓋曾王極有相似者峭而折用意多在題外

遊褒禪山記

褒禪山亦謂之華山唐淨圖慧褒始舍於其址而卒葬之以故其後名之曰褒禪今所謂慧空禪院者褒之廬冢也距其縣東五里所謂華山洞者以其乃華

鹿門云暗伏篇末案

西仲云辨山名謬誤

山之陽名之也。距洞百餘步有碑，仆道。其文漫滅，獨其為文，猶可識。曰：花山。今言華如華實之華者，蓋音謬也。其下平曠，有泉側出，而記遊者甚眾。所謂前洞也。由山以上五六里，有穴窈然，入之甚寒，問其深，則其好遊者不能窮也。謂之後洞。余與四人擁火以入，入之愈深，其進愈難，而其見愈奇。有怠而欲出者，曰：不出火，且盡遂與之俱出。蓋予所至，比好遊者尚不能十之一，然視其左右來而記之者，已少。蓋其又深，則其至又加少矣。方是時，予之力尚足以入，火尚足以明也。既其出，則或咎其欲出者，而予亦悔其隨之，而不得極夫遊之樂也。於是予有歎焉。古人之觀於天

地山川草木蟲魚鳥獸，往往有得，以其求思之深，而無不在也。夫夷以近，則遊者眾；險以遠，則至者少。而世之奇偉瑰怪，非常之觀，常在於險遠，而人之所罕至焉。故非有志者不能至也。有志矣，不隨以止也，然力不足者，亦不能至也。有志與力，而又不隨以怠，至於幽暗昏惑，而無物以相之，亦不能至也。然力足以至焉，於人為可憐，而在己為有悔。盡吾志也而不能至者，可以無悔矣。其孰能譏之乎？此予之所得也。余於仆碑，又有悲夫古書之不存，後世之謬其傳，而莫能名者，何可勝道也哉！此所以學者不可以不深思而慎取之也。四人者：廬陵蕭君圭、君玉，長樂王回、深

鹿門云應篇首
又云無窮之感

卷三十一
十八

鹿門云逸興滿眼而
餘音不絕

觀 七日

此文浮屠慧禮力能勸
化之佛窟ヲ新築之ヲ記
レシテ通篇慧禮ノ材
ヲ叙ス結尾佛道ノ行易
クモ才者第ニサク浮屠氏
ノ行難キ材者又テ多ク
ヲ言フ處ハ難字ヲ點出
シ字眼ヲ篇ニ而ナ何其能
也宜其能也ノ句ニ前
後相呼應シ中暗ニ材
ト云フ藏ス

父余弟安國平父安上純父至和元年七月某日臨
川王某記

有志有力而又有物以相之其終不能至者則亦
無如何也借題發意文人之常然必說破正旨此
只於言外遇之又是一格○用筆最折

揚州龍興講院記

予少時客遊金陵浮屠慧禮者從予游予既更淮南

鹿門云冷眼

山陽云文章不可無
此一段形容逼真處
無此欠色態

鹿門云冷眼妙

山陽云着戲言更有
態

又云不單稱儒者而
曰衣冠云云又有態

而慧禮得龍興佛舍與其徒日講其師之說嘗出而
過焉庠屋數十椽上破而旁穿側出而視後則榛棘
出人不見垣端指以語予曰吾將除此而宮之雖然
其成也不以私吾後必求時之能行吾道者付之願
記以示後之人使不得私焉當是時禮方丐食飲以
卒日視其居枵然余特戲曰姑成之吾記無難者後
四年來曰昔之所欲為凡百二十楹賴州人蔣氏之
力既皆成蓋有述焉噫何其能也蓋慧禮者予知之
其行謹潔學博而才敏而又卒之以不私宜成此不
難也今夫衣冠而學者必曰自孔氏孔氏之道易行
也非有苦身窮形離性禁欲若彼之難也而士之行

山陽云句法字法大似柳州

鹿門云感慨作結妙

又云占地步

可一鄉才足一官者常少而浮屠之寺廟被四海則
彼其所謂材者寧獨禮耶以彼之材由此之道去至
難而就甚易宜其能也嗚呼失之此而彼得焉其有
以也夫

後段見儒者不能行聖人之道而浮屠氏能行其
師說用意在意在題外也一頓一折耐人領取此最是
介甫擅長

孟嘗君得士是結今
公案十一今置下
孟嘗君得士是結今
公案十一今置下
孟嘗君得士是結今
公案十一今置下

西仲云開口把能得

士三字作案

山陽云兎狗與雞狗

相映帶在於有意無

意間

又云雞鳴狗盜一語

數番重複生姿致妙

在一順一逆

迂齋云轉折有力首尾無百餘字嚴勁緊束而宛轉凡四五處此筆力之絕
山陽云荆公執拗
故文亦長於拗折是三蘇所不及

自讀孟嘗君傳

世皆稱孟嘗君能得士士以故歸之而卒賴其力以
脫於虎豹之秦嗟乎孟嘗君特雞鳴狗盜之雄耳豈
足以言得士不然擅齊之強得一士焉宜可以南面
而制秦尚何取雞鳴狗盜之力哉夫雞鳴狗盜之出
其門此士之所以不至也
語語轉筆筆緊千秋絕調

讀孔子世家

此太史公史記作孔子世家... 魯之世也... 仲尼之世也... 其意蓋謂之曰... 置之當得...

晚村云先史遷意... 鹿門云荆公短文字... 轉折有絕似太史公處

太史公叙帝王則曰本紀公侯傳國則曰世家公卿特起則曰列傳此其例也其列孔子為世家奚其進退無所據邪孔子旅人也棲棲衰季之世無尺土之柄此列之以傳宜矣曷為世家哉豈以仲尼躬將聖之資其教化之盛為突萬世故為之世家以抗之又非極摯之論也夫仲尼之才帝王可也何特公侯哉仲尼之道世天下可也何特世其家哉處之世家仲尼之道不從而大置之則傳仲尼之道不從而小而遷也自亂其例所謂多所抵牾者也自是正論聖人之道不藉推崇而重也

晚村云有結構有段落有轉折有照應法度謹嚴

總 此篇之筆孔公剛毅諒直之節... 論之郭皇后... 大節之揭... 姓名及... 其後... 可借... 其意... 凡七段

給事中孔公墓誌銘

宋故朝請大夫給事中知鄆州軍州事兼管內河堤勸農同羣牧使上護軍魯郡開國侯食邑一千六百戶實封二百戶賜紫金魚袋孔公者尚書工部侍郎贈尚書吏部侍郎諱勗之子兗州曲阜縣令龔封文宣公贈兵部尚書諱仁玉之孫兗州泗水縣主簿諱

山陽云出孔子於最末得休

又云二矣字生議論

亦所以別於後段官

外平叙處

鹿門云且序且點綴

山陽云先叙立朝大節然後平列出入履歷

光嗣之曾孫而孔子之四十五世孫也其仕當今天子天聖寶元之間以剛毅諒直名聞天下嘗知諫院矣上書請明肅太后歸政天子而廷奏樞密使曹利用尚御藥羅崇勳罪狀當是時崇勳操權利與士大夫為市而利用悍強不遜內外憚之嘗為御史中丞矣皇后郭氏廢引諫官御史伏閣以爭又求見上皆不許而固爭之得罪然後已蓋公事君之大節如此此其所以名聞天下而士大夫多以公不終於大位為天下惜者也公諱道輔字厚濟初以進士釋褐補寧州軍事推官年少耳然斷獄議事已能使老吏憚驚遂遷大理寺丞知兗州僂源縣事又有能名其後

嘗直史館待制龍圖閣判三司理文憑由司登聞檢院吏部流內銓糾察在京刑獄知許徐兗鄆泰五州留守南京而兗鄆御史中丞皆再至所至官治數以彘職不阿或絀或遷而公持一節以終身蓋未嘗自絀也其在兗州也近臣有獻詩百篇者執政請除龍圖閣直學士上曰是詩雖多不如孔某一言乃以公為龍圖閣直學士於是人度公為上所思且不久於外矣未幾果復名以為中丞而宰相使人說公稍折節以待遷公乃告以不能於是又度公且不得久居中而公果出初開封府吏馮士元坐獄語連大臣數人故移其獄御史劾士元罪止於杖又多更赦公見

山陽云平列内外出入官迹畢又叙婚娶子姓畢然後叙處世接物以及不惑效祥處最後出擊蛇一事為結結構極有次第擊蛇一項事却與篇首立朝大節相應此

上上固怪士元以小吏與大臣交私汙朝廷而所坐如此而執政又以謂公為大臣道地故出知鄆州公以寶元二年如鄆道得疾以十二月壬申卒於滑州之韋城驛享年五十四其後詔追郭皇后位號而近臣有為上言公明肅太后時事者上亦記公平生所為故特贈公尚書工部侍郎公夫人金城郡君尚氏尚書都官員外郎諱賓之女生一男子曰洵今為尚書屯田員外郎曰宗翰今為太常博士皆有行治世其家累贈公金紫光祿大夫尚書兵部侍郎而以嘉祐七年十月壬寅葬公孔子墓之西南百步公廡於財樂振施遇故人子恩厚尤篤而尤不好鬼神機祥

作者匠心也

又云沈評至當然想半山作此誌時思路筆神始專注於此故置之最後掉尾使全神活動

鹿門云荆公第一首誌銘須看他頓挫紆徐往往敘事中伏議

事在寧州道士治真武像有蛇穿其前數出迎人人傳以為神州將欲視驗以聞故率其屬往拜之而蛇果出作傳志須叙瑣屑事然不得轉以此作主文即舉笏擊蛇殺之自州將以下皆大驚已而只借作餘波具見布置之妙又皆大服公由此始知名然余觀公數處朝廷大議視禍福無所擇其智勇有過人者勝一蛇之妖何足道哉世多以此稱公者故余亦不得而略也銘曰展也孔公維志之求行有險夷不改其軌權彊所忌讒詔所讎考終厥位寵祿優優維皇好直是錫公休序行納銘為識諸幽

請太后還政及爭郭皇后之廢皆大節所關故特詳之後出知五州皆用虛叙天子受知後屢見抑

論風神蕭颯處
鹿門云此篇於敘事
中一一點綴而風韻
頓發若順江流而看
兩岸之山古人所謂
應接不暇

總 七

此文小許知略不用其
甘字慨之亦許中
命字于藏過又替原
理奇字于論于卷之志
銘中別一體之開

於執政故隱約其詞而未以軼事作收位置極佳
用筆亦復清剛簡貴

泰州海陵縣主簿許君墓誌銘

君諱平字秉之姓許氏余嘗讀其世家所謂今泰州
海陵縣主簿者也君既與兄元相友愛稱天下而自
少卓犖不羈善辨說與其兄俱以智略為當世大人
所器寶元時朝廷開方略之選以招天下異能之士

晚村云得薦引之人

而陝西大帥范文正公鄭文肅公爭以君所為書以
薦於是得名試為大廟齋郎已而選泰州海陵縣主
簿貴人多薦君有大才可試以事不宜棄之州縣君
亦常慨然自許欲有所為然終不得一用其智能以
卒噫其可哀也已士固有離世異俗獨行其意罵譏
笑侮困辱而不悔彼皆無眾人之求而有所待於後
世者也其齟齬固宜若夫智謀功名之士窺時俯仰
以赴勢物之會而輒不遇者乃亦不可勝數辯足以
移萬物而窮於用說之時謀足以奪三軍而辱於右
武之國此又何說哉嗟乎彼有所待而不遇者其知
之矣君年五十九以嘉祐某年某月某甲子葬真州

鹿門云歇後語收上
晚村云收得奇妙是
書家縮筆之法也

異言厚身人... 卷三十一

鹿門云銘亦韻折

晚村云篇中會一命字却不說出更覺語

少意多... 總... 范穎州... 蓋... 夕... 叙... 自... 四... 句... 以... 一... 生... 子... 推... 起... 午... 概... 論...

之揚子縣。甘露鄉某所之原。夫人李氏。子男瓌。不仕。璋。真州司戶參軍。琦。太廟齋郎。琳。進士。女子五人。已嫁。二人。進士周奉先。秦州秦興縣令陶舜元。銘曰。有拔而起之。莫撓而止之。嗚呼許君而已。於斯誰或使之。

中間藏過一命字。鬱屈瑰奇。空中發論。志銘中別開一體。

スレ所ス

鹿門云四句已括生平

又云可悲可涕

祭范穎州文

嗚呼我公。一世之師。由初迄終。名節無疵。明肅之盛。身危志殖。瑤華失位。又隨以斥。治功亟聞。尹帝之都。閉姦興良。稚子歌呼。赫赫之家。萬首俯趨。獨繩其私。以走江湖。士爭留公。蹈禍不慄。有危其辭。謁與俱出。風俗之衰。駭正怡邪。蹇蹇我初人。以疑嗟。力行不回。慕者興起。儒先首首。以節相侈。公之在貶。愈勇為忠。誓前引古。誼不營躬。外更三州。施有餘澤。如醜河江。以灌尋尺。宿賊自解。不以刑加。猾盜涵仁。終老無邪。講藝絃歌。慕來千里。溝川障澤。田桑有喜。戎孽猖狂。敢齟我疆。鑄印刻符。公屏一方。取將於伍。後常名顯。

源住... 卷三十一 二十五

確士云。凡除荒。亂謂治也。與除荒相對。荆川云。必有指。

收士至。佐維。邦之彥。聲之所加。虜不敢瀕。以其餘威。走敵完鄰。昔也始。至瘡痍滿道。藥之養之。內外完好。既其無為。飲酒笑歌。百城晏眠。吏士委蛇。上嘉曰。材以副樞密。稽首辭讓。至於六七。遂參宰相。釐我典常。扶賢贊傑。亂凡除荒。官更於朝。士變於鄉。百治具修。偷墮勉強。彼闕不遂。歸侍帝側。卒屏於外。身屯道塞。謂宜耆老。尚有以為神乎。孰忍使至於斯。蓋公之才。猶不盡試。肆其經綸。功孰與計。自公之貴。廩庫逾空。和其色辭。傲許以容。化於婦妾。不靡珠玉。翼翼公子。敝綿惡粟。閔死憐窮。惟是之奢。孤女以嫁。男成厥家。孰埋於深。孰鍊乎厚。其傳其詳。以法永久。碩人今亡。

下ノ許ノ字
ハ悉ラクハ許
ノ字ノ誤
ナラン

鹿門云。范公為一代殊絕人物。而荆公祭文亦極力摹寫。涕洟嗚咽。可為兩絕矣。

此文。歐公文章。議論及其朝。三立時。大節。與公。而。其。學。問。世。學。者。之。知。其。大。節。公。下。ノ。賢。不。有。ノ。惜。ハ。所。タ。レ。テ。言。フ。凡。テ。六。段。

西仲云。沒言天道不可知。有不當死而死者。

邦國之憂。矧鄙不肖。辱公知尤。承凶萬里。不往而留。涕哭馳辭。以贊醪羞。祭文有叙生平者。有叙兩人交情者。此叙文正公生平。即可作墓志看。

祭歐陽文忠公文

起四語沒沒。夫事有人力之可致。猶不可期。况乎天理之溟溟。又安可得。而推惟公。生有聞於當時。死有傳於後世。苟

山陽云似南豐祭老蘇文

西仲云单就文章議論上譬之

山陽云似歐公書錦堂記稱韓魏公處

能如此足矣。而亦又何悲。如公器質之深厚。智識之高遠。而輔學術之精微。故充於文章。見於議論。豪健俊偉。怪巧瑰琦。其積於中者。浩如江河之停蓄。其發於外者。爛如日星之光輝。其清音幽韻。淒如飄風急雨之驟至。其雄辭閎辨。快如輕車駿馬之奔馳。世之學者。無問乎識與不識。而讀其文。則其人可知。嗚呼。自公仕宦四十年。上下往復。感世路之崎嶇。雖連遭困躓。竄斥流離。而終不可掩者。以其公議之是非。既壓復起。遂顯於世。果敢之氣。剛正之節。至晚而不衰。方仁宗皇帝臨朝之末年。顧念後事。謂如公者可寄以社稷之安危。及夫發謀決策。從容指顧。立定大計。

又云篇首至此一意說下至此以一然字為轉換言所以祭之意

西仲云上文是悲公此念非公無與歸且自悲矣

廣門云歐陽公祭文當以此為第一

謂十載而一時功名成就。不居而去。其出處進退。又庶乎英魄靈氣。不隨異物腐散。而長在乎箕山之側。與潁水之湄。然天下之無賢不肖。且猶為涕泣而歎。歎而况朝士大夫。平昔遊從。又予心之所嚮慕。而瞻依嗚呼。盛衰興廢之理。自古如此。而臨風想望。不能忘情者。念公之不可復見。而其誰與歸。一氣奔馳。不可控抑。此即介甫誠為在一國則亂一國。在天下則亂天下者也。而祭文又推服如此。豈由中之言耶。特其文可與子瞻篇並傳。



點註 唐宋八家文讀本卷三十一終

點註八家文跋

八家之文各有其法精之謹
嚴柳之秀削歐之優游三
蘇之縱橫曾之醇厚王之拗
折其法燦然也亦不具備而輯
八家者有數氏特沈選本不

繁不簡志以修文家之共至
也今施之訓點且纂考古諸
儒之評註于欄外以爲初學登
蹄庶幾其有所以焉
明治十一年五月
春山川上廣樹後

松山林芳書



明治十一年七月四日版權免許
同十五年二月十六日再版御届
同十八年二月廿五日三版御届
同 年三月 刻成出版

朽木縣士族

川上廣樹

下野國足利郡小原村

纂評人

新潟縣平民

弦卷七十郎

越後國北蒲原郡
葛塚町三百七十三番地

出版人



發賣

東京府

弦

卷支店



芝區三島町十番地

書

肆

各國書籍店



